

आकाशवाणी

खबरां ----

1. गुजरात दौरे पर गेदे प्रधानमंत्री नरेंद्र मोदी होरें अज्ज वंतारा पशु बचाव केंद्र दा दौरा कीता ते श्री सोमनाथ मंदरै च पूजा-अर्चना कीती।
2. उत्तराखंड च बर्फू दे ल्हास हेठ फंसे दे श्रमिकें लेई बचाव अभियान पूरा। 46एं गी जींदा बचाया गेआ, 8एं दी मौत।
3. मुम्बई दी भ्रष्टाचार नरोधक विशेष अदालतै शेयर बजार घोटाले मामले च सेबी दी साबका अध्यक्ष माधवी पुरी बुच खलाफ एफ.आई.आर दर्ज करने दा हुक्म जारी कीता ऐ।
4. केंद्री गृह मंत्री अमित शाह होरें आखेआ ऐ जे पूरे देसै थमां नशाखोरी ते नशा तस्करी गी खत्म करने दा सरकारै पक्का धेइया कीते दा ऐ।
5. चुनां आयोग नै आखेआ ऐ जे इक्क गै नम्बर दे 2 मतदाता शनाखती कार्ड होने दा मतलब नेई जे कार्ड नकली जा मतदाता फर्जी ऐ।
6. आई.सी.सी चैंपियन्स ट्रॉफी दे इक मकाबले च भारत नै न्यूजीलैंड गी जित्त लेई 250 रन्ज दा लक्ष्य दित्ता ऐ।

PM Gujrat

प्रधानमंत्री नरेंद्र मोदी होरें अज्ज बहुलै गुजरात दे जामनगर जिले च पशु बचाव संरक्षण ते पुनर्वासि केंद्र बनतारा दा दौरा कीता। 3 ज्हार एकड च फैले दा बनतारा जंगली जानवरें दे कल्याण लेई बनाए गेदा बचाव केंद्र ऐ। इत्थे शोषण ते माडे बवहार शा बचाए गेदे पशुएं दा इलाज ते दिक्ख-भाल बी कीती जंदी ऐ। बनतारा च 200 कोला मते जानवर न जिनेंगी बचाइयै उत्थे सुरक्षित ढंगै नै रक्खेआ गेदा ऐ ते उंदी पूरी दिक्खभाल कीती जंदी ऐ। मगरा मोदी होरें गिर सोमनाथ जिले च स्थित सोमनाथ मंदर च जाइए पूजा अर्चना कीती।



Uttrakhand Rescue

उत्तराखंड दे चमोली दे माणा ग्रांस च 28 फरवरी गी बर्फ दे ल्हास तोदे पौने करी फंसे दे मजूरें गी बचाने दा कम्म अज्ज पूरा होई गेआ ऐ। अखीरी लापता श्रमिक दा शब बरामद करी लैता गेआ ऐ। कुल 54 श्रमिकें चा 8 श्रमिकें गी मृत घोषित करी दित्ता गेआ ऐ जदके 46 श्रमिकें गी जींदा बचाई लैता गेआ ऐ।



V.P Kerala Visit

उपराश्ट्रपति जगदीप धनखड होरें आखेआ ऐ जे कि विकसित भारत हून इक सुखना नेही सगुआं एहू स्हाडा लक्ष्य ऐ ते देसै दे नौजवान इस लक्ष्य गी हासल करने च बड़ी अहम ते महत्वपूर्ण भूमिका निभांगन। अज्ज भारती विचार केंद्रम आसेआ तिरुवंतपुरम च आयोजित चौथे पी. परमेश्वरन स्मारक बखान च बोलदे होई उनें आखेआ जे मुल्लै च

अज्ज जेहू किश बी होआ करदा ऐ, ओह्दे नै दुनिया भरै च ओह्दा मान, रूतबा ते गौरव बधै करदा ऐ। उनें आखेआ जे भारत दुनिया दा इक्कला ऐसा मुल्ख ऐ जित्थे लोकतंत्र भलेआं हेठली सतह पर पूरी तगड़ेयाई कन्नै लागू ऐ। उनें आखेआ जे भारत एल्लै दुनिया दी 5मीं सब्भनें शा बड्डी ते मजबूत अर्थ बवस्था ऐ ते एहू तेजिया कन्नै चौथी थाहर हासल करने गी बदलै करदा ऐ।

<><><><><><>

India Poverty

इक नमें शोध दे मताबक पिच्छले दहाके च देशै च गरीबी च महत्वपूर्ण कमी आई ऐ। प्रमुख अर्थशास्त्री सुरजीत एस. भल्ला ते करण भसीन आसेआ प्रकाशित लेख च ब'रे 2022-23 ते ब'रे 2023-24 दे हाल च गै जारी घरेलू खर्च दे आंकड़ें दा विश्लेषण कीता गेआ। सर्वेक्षण दे आंकड़ें थमां पता लगदा ऐ जे देसै च गरीबी दे स्तर च कमी आई ऐ। शोध च दावा बन्नेआ गेआ ऐ जे देशै च बड्डी मती गरीबी हून लगभग खत्म होई चुकी दी ऐ। शोध दे मताबक इस गल्लै दे पक्के सबूत न जे ब'रे 2011-12 थमां वर्ष 2023-24 तकरी अवधि दे दरान देशै च गैर-बरोरी च बी तेजी कन्नै कमी दिक्खी गेई ऐ।

<><><><><><>

Delhi-Vijender Gupta

दिल्ली विधानसभा अध्यक्ष विजेंद्र गुप्ता होर कल दिल्ली दे उपराज्यपाल विनय कुमार सक्सेना हुंदे नै मलाटी करंगन। मलाटी दा उद्देश्य 25 फरवरी गी विधानसभा च दित्ते गेदे उन्दे अभिभाषण लेई सदन दी ताजा रस्मी तौरा पर अभार प्रगट करना ऐ। विजेंद्र गुप्ता

व्यक्तिगत तौरा पर उपराज्यपाल होरें गी इक चिट्ठी बी सोंपगन ते सदन दी तरफा उन्दे अभिभाषण लेई सम्मान प्रगट करंगन।

<><><><><><>

Angola-Cholera

अंगोला च हैजे कारण मरने आहलें दी गिनतरी 201 होई गई ऐ। अंगोला दे सेहत मंत्रालय मूजब जनवरी कोला लेइयै हुनै तगर उत्थे 5 जहार 600 लोकें गी हैजा होआ ऐ। विश्व सेहत संगठन मूजब हैजा इक किस्मै दा पेट खराब जा दस्त होने दी इंफेक्शन जा संक्रमण ऐ जेड़ा विब्रो हैजा जीवाणु कारण दूषित पानी जां रूट्टी खाने कारण होंदा ऐ। हैजा इक वैश्विक सार्वजनिक सेहत खतरा ऐ ते एहदे कोला बचने लेई कुसै बी समाज च सब्भनें लोकें लेई सेहत ते साफ सुथरा खानपीन आह्लियां बवस्थां यकीनी बनाना बड़ा जरूरी ऐ टकोहदा करियै साफ पानी।

<><><><><><>

SEBI

मुम्बई दी भ्रष्टाचार निरोधक इक विशेष अदालतै कथित शेयर बजार घोटाले ते नियामक कनूनें दी खलाफवर्जी सरबंधी इक मामले च सेबी दी साबका अध्यक्ष माधवी पुरी बुच समेत बोर्ड दे बड्डे अधिकारिएं खलाफ एफ.आई.आर दर्ज करने दा हुक्म जारी कीता ऐ। एह हुक्म विशेष न्यायधीश एस.ई बांगर होरें ठाणें दे पत्रकार सपन श्रीवास्तव आसेआ दायर इक अर्जी दे बाद जारी कीता ऐ। अदालतै अगगे आखेआ जे ओहू जांच प्रक्रिया दी निगरानी करोग ते उन्नै सरबंधित अधिकारिएं गी मामलें पर स्थिति रिपोर्ट पेश करने दा बी निर्देश जारी कीता ऐ।



NHRC-MEA Prog.

राष्ट्रीय मानवाधिकार आयोग, विदेश मंत्रालय दे सहयोग कन्नै मानवाधिकारें पर छमता निर्माण कार्जक्रम दा आयोजन करोग। ग्लोबल साउथ दे राष्ट्रीय मानवाधिकार संस्थानें दे वरिष्ठ अधिकारिएं आस्ते आयोजित एहू 6 दिवसीय कार्जक्रम कल थमां नमीं दिल्ली च शुरू होग। एहू कार्जक्रम दा उद्देश्य मानव अधिकारें दे बक्ख-बक्ख आयामें ते अंतरराष्ट्रीय परिप्रेक्ष्यें बारै जानकारी प्रदान करना ते बक्ख-बक्ख राष्ट्रीय मानवाधिकार संस्थानें दे प्रतिभागियें च अनुभव गी सांझा करना ऐ। राष्ट्रीय मानवाधिकार आयोग दे अध्यक्ष न्यामूर्ति रामसुब्रमण्यम कार्जक्रम दा उद्घाटन करंगन। ग्लोबल साउथ दे 14 देशें दे राष्ट्रीय मानव अधिकार संस्थानें दे 40 शा बद्द प्रतिभागी कार्जक्रम च शामिल होंगन। इनें देशें च मेडागास्कर, युगांडा, समोआ, तिमोर, लेस्ते, कांगो, तोगो, माली, नाइजीरिया, मिस्र, तंजानिया, मॉरिशस, बुरुंडी, तुर्कमेनिस्तान ते कतर शामिल न।



Pak Afganistan

मनुक्खी अधिकारें सरबन्धी संस्थानें ते रिफ्यूजिएं दे अधिकारें दी पैरवी करने आहले समूहें दे इक संगठन नै पाकिस्तान थमां अफगानिस्तान रिफ्यूजिएं दे निर्वासन पर तुरत रोक लाने लेई आखेआ ऐ। मीडिया रिपोर्ट मूजब संगठन नै आखेआ ऐ जे कि एहू नीति अंतरराष्ट्रीय कनून ते रिफ्यूजी सुरक्षा लेई पाकिस्तान दी बचनबद्धता दी खलाफवर्जी ऐ। संगठन नै अफगानिस्तान थमां नस्सिए पाकिस्तान आए दे रिफ्यूजिएं गी गिनतरी ते

उनेंगी जबरदस्ती वापस भेजने दी सखत नुख्ताचीनी करदे होई पाकिस्तान सरकार गी चिट्ठी लिखी ऐ।

<><><><><><>

Punjab-Encounter

पंजाब पुलसै अज्ज जलंधर च होए दे इक टाकरे दे बाद 2 अपराधिणं गी गिरफ्तार करी लैता ऐ। इनें अपराधिणं दी पिछले बरे अप्रैल म्हीने जम्मू-कश्मीर पुलसै दे इक सब इंस्पेक्टर दीपक शर्मा दी हत्यि दे मामले च तपाश ही। एह दवै अमरीका स्थित इक गिरोह दे मिम्बर दस्से जा रदे ना। उन्दे कब्जे शा 2 थेआर बी बरामद कीते गेन।

<><><><><><>

ECI

भारती चुना आयोग नै साफ कीता ऐ जे इक्क गै नम्बर दे 2 मतदाता पंछान पत्रें दा मतलब एहू नेई ऐ जे पंछान पत्र नकली ऐ ते मतदान कोई फर्जी ऐ। मीडिया दिणं खबरें च 2 बक्ख-बक्ख राज्यें च मतदाताणं गी इक्के नम्बर दा मतदाता पंछान पत्र थोने दा मुद्दा पुट्टे जाने पर आयोग नै इक बयान च आखेआ जे किश मतदाताणं दे पंछान पत्रें दा नम्बर इक्के कोई बी सकदा पर मुदरमशुमारी, विधानसभा निर्वाचन खेत्तर ते मतदान केंद्र आंगर होर ब्यौरा बक्खरा होंदा ऐ। आयोग दा आखना ऐ जे मतदाता जिस राज्य जां केंद्र शासित प्रदेश दी मतदाता सूचि च ना दर्ज ऐ उत्थे ओहू अपने निर्वाचन हल्के च गै निधारित मतदान केंद्र पर गै वोट पाई सकदा ऐ, कुदरै होर नेही।

<><><><><><>

HM Drug Traffickers

गृह मंत्री अमित शाह होरें आखेआ ऐ जे पूरे देशै थमां 12 बक्ख-बक्ख मामलें च नशीले पदार्थें दे 29 तस्करें गी अदालतै दोषी करार दित्ता ऐ। सोशल मीडिया पर इक पोस्ट च श्री शाह होरें आखेआ जे नरेन्द्र मोदी हुंदी सरकार नशीले पदार्थें दे तस्करें गी सजा दोआने लेई वचनबद्ध ऐ। एहू तस्कर युवाएं गी नशे दी गिरफ्त च आहिन्नयै उं'दा जीवन तबाहू करी दिंदे ना। श्री शाह होरें आखेआ जे उं'दी सरकार नशा मुक्त भारत बनाने लेई जांच-पड़ताल दे कन्नै, नशीली दवाएं दे खतरे कन्नै लड़ना जारी रक्खोग।

<><><><><><>

ICC Championship

आई.सी.सी चैंपियन्स ट्रॉफी दे अज्ज भारत ते न्यूजीलैंड बश्कार खेड्डे जा'रदे मैच च भारत नै न्यूजीलैंड दे सामने जित्त लेई ढाई सौ रन्ज दा लक्ष्य रक्खेआ ऐ। दुबई इंटरनेशनल स्टेडियम च अज्ज दपैहरी न्यूजीलैंड नै टास जित्ति ऐ पैहले भारत गी बल्लेबाजी करने लेई आखेआ। भारती टीम 50 ओवरें च 8 विकटें दे नुकसान पर 249 रन्ज गै बनाई सकी। न्यूजीलैंड दे मैट हैनरी नै 5 विकटां हासल कीतियां। एहदे जवाब च न्यूजीलैंड दी टीम अपने लक्ष्य दा पिच्छा हासल करने आस्तै बल्लेबाजी करारदी ऐ।

<><><><><><>

Delhi Bhawan Nirman

दिल्ली च हून भवन निर्माण आस्तै पुलिस थमां अनुमति लैने दी लोड़ नेई ऐ। एहू आदेश दिल्ली दे अपर मुख्ख सचिव नवीन कुमार चौधरी होरें जारी कीता ऐ। इस आदेश च उनें आखेआ जे भवन निर्माण गतिविधियें गी दिल्ली नगर निगम ते होर स्थानीय निकाय

अपने अधिकार खेत्तर च विनियमित करदे ना। दरअसल, एहू गलत धारणा प्रचलित ऐ जे कुसै व्यक्ति गी भवन निर्माण आस्तै पुलस थमां अनुमति लैने दी लोड होंदी ऐ। इस आदेश च अपर मुख सचिव नै पुलस ते सरबंधित खेत्तर दे अधिकारियें गी कनून दे प्रावधान दे दुरूपयोग गी रोकने ते इस गलत धारणा गी दूर करने आस्तै जागरूकता फैलाने दे निर्देश दित्ते ना।

<><><><><><>

Telangana-Aviation

केंद्रीय नागरिक उड्डयन मंत्री राममोहन नायडू होरें अज्ज आखेआ जे केंद्र सरकार जनता दी जरूरतें गी ध्यानै च रखदे होई जित्थे बी लोड होग उत्थे ब्हाई अड्डें दा निर्माण करोग। हैदराबाद च संवाददाताएं गी संबोधित करदे होई उनें आखेआ जे उड्डान योजना राएं सरकार नै देश दे टियर-2 ते टियर-3 शैहरें च ब्हाई अड्डें गी विकसित कीता ऐ। श्री नायडू होरें आखेआ जे केंद्र सरकार तेलंगाना राज्य दे भद्राद्री कोठागुडेम जिले च इक्क और ब्हाई अड्डा विकसित करने जा रदी ऐ की जे राज्य च बस इक्क गै ब्हाई अड्डा ऐ। श्री नायडू होरें आखेआ जे भारतीय विमानपतन प्राधिकरण ब्हाई अड्डे दे विकास आस्तै मास्टर प्लान कन्नै तैयार ऐ। उनें राज्य सरकार दे इस कम्म आसतै तौले शा तौले 280 एकड़ जमीन अधिग्रहण दा गुजारिश कीती ऐ।

<><><><><><>

Tennis

टेबल टेनिस च भारत नै वडोदरा च आयोजित डब्ल्यू टी टी यूथ कंटेंडर टूर्नामेंट च शानदार प्रदर्शन करदे होई 24एं चा से 22 खिताब जित्ते ना। अंकुर भट्टाचार्जी नै अंडर

19 मर्दे दे वर्ग च अभिनंद प्रधिवादी गी 3-0 कन्नै हराइयै स्वर्ण पदक जित्तेआ। कुड़िये दे वर्ग च भारत दी दिव्यांशी भौमिक नै इस प्रतियोगिता च कुसै बी होर भारती खडारी दी तुलना च सब्बनें शा बद् तगमे हासिल कीते। भौमिक नै अंडर-15 ते अंडर 17 दे सिंगल्स च दो स्वर्ण ते अंडर-15 मिक्स्ट डबल्स च रजत दा तगमा जित्तेआ। भारत नै डब्ल्यू टी टी यूथ कंटेडर टूर्नामेंट गी पैहली बार आयोजित करियै इक्क महत्वपूर्ण उपलब्धि हासिल कीती ऐ।

